

**Koblenzer Mundart
von Katharina Schaaf:**

**Hausrezept
gäje
Kriminalität**

Kriminalität doht steije,
on die Angstlawine rollt.
An dem Wohlstand soll dat leije,
einer get dem anner Schold.

En der Weckel - well mir scheine -
fänken die Probleme an.
Raffinierter sein die Kleine,
als en Gruße ahne kann.

Jo die seße Stömpcher brelle
su, als ging dä Kopp grad ab.
Wolle han schuns ihre Welle,
brenge alles en dä Trapp.

Gieht dä Zores nau su weiter
bis eroff zur Pupertät,
es et dann zom Bremse leider
fier dä Filius zo spät.

Kenner brauche net vill „Klöpkes“,
bluß em richtije Moment
ob an zo wat off dä Boppes,
Nestwärm' - on paar feste Händ'.

Kriminalität däht falle
met dem ahle Hausrezept.
Doch - an die Dosierung halle,
dat dä Klein et och beköppt.

Katharina Schaaf 19. 8. 69